



牛島神社考

(13)



本朝神社考中之四

羅浮子道春撰

目錄

葛城 カヅラキ

金峯山 キンブツ

吉野

談山 タンザン

愛宕

比良

比睿

三上

富士

箱根

走湯 ハシリユ

足柄

日光

太山

賀春

本朝神社考中之四

赤山 新羅 比吉

遠敷 當麻 山崎

國玉 卒川 園韓神

杜本 當宗 山科

今宮 中山 疫神

祈雨諸神 藤杜

本朝神社考中之四 羅浮子道春撰

葛城神

日本紀十四雄略天皇四年二月天皇射獵於葛城山忽見長人來望丹谷面貌容儀相似天皇天皇知是神猶故問曰何處公也長人對曰現人之神先稱王諱然後應導天皇答曰朕是幼武尊也長人次稱曰僕是一事主神也遂與盤于遊田跡逐一鹿相辭發箭並響馳騁言詞恭恪有若逢仙於是日晚田罷神侍送天皇至來日水是時百姓咸言有德天皇也

同五年二月。天皇校獵于葛城山。靈鳥忽來。其大如雀。尾長曳地。而且鳴曰。努力努力。俄而見逐。嗔猪從草中暴出。逐人。獵徒緣樹。大懼。天皇詔舍人曰。猛獸逢人則止。宜逆射。而且刺。舍人性懦弱。緣樹失色。五情無主。嗔猪直來欲噬。天皇用弓刺止。舉脚踏殺。

續日本紀二十五。廢帝天智寶字八年十月。復祠高鴨神於太和國葛上郡。高鴨神者。法臣圓興弟。中衛將監從五位下賀茂朝臣田守等言。昔大泊瀨。天皇獵于葛城山時。有老人每與天皇上相逐。

爭獲。天皇怒之。流其人於土佐國先祖所主之神。化成老夫。爰被放逐。今換前記。不見其事。於是天皇乃遣田守迎之。令祠本處。大泊瀨。天皇若。即雄畧也。神皇重事代主。神者。今葛城鴨神也。

同第一。文武天皇三年五月。役君小角流于伊豆嶋。初。小角住於葛木山。以咒術。於外從五位下。韓國連廣足師。為後害。其能護。以妖惑。故配遠處。世相傳云。小角能役使鬼神。汲水採薪。若不用命。即以咒縛之。

役。小角者。賀茂。役公氏。今之高賀茂者也。和列葛

木上郡茹原村人少敏悟博學年三十二棄家入
 葛木山居巖窟者三十餘歲藤葛為衣松果充食
 持神咒駕五色雲優遊仙府驅逐鬼神以為使令
 日域靈區修歷殆徧一日告山神曰自葛木嶺蹊
 金峯山其間危峻雖苦行者猶或艱汝等架石橋
 通行路衆神受命夜々運崑石督營構小角呵神
 曰何不早成對曰葛城峯一言主神其形甚醜難
 晝役待夜出以故遲耳小角促一言主一言主不
 肯小角怒咒縛繫之深谷一言生託宮人曰我是
 管逆冠之神也竊見役小角潛窺國家不急治殆

乎危宮人以聞文武帝下敕召小角小角騰空飛
 去不得追捕官吏設計畧收其母小角不得已自
 來就囚使配豆洲大島居三年晝守禁而居夜必
 登富士山行道路蹈海而走猶行陸其疾飛鳥不可
 及也黎明歸嶋太寶元年放廻近京師凌亂飛去
 小角嘗在攝洲其面山山有瀧小角一旦入其瀧
 口云

本朝文粹載都良香富士山記其高不可測山名
 富士取郡名也山腰以下生小松腹以上無復生
 木其攀登者止腹下不得達上以白沙流下也相

傳昔有役居士得登其項

役優波塞博學多聞兼習佛乘居

使鬼神又在攝別箕面山夢入瀧口謁龍樹太子

覺後搆伽藍自此号箕面寺為龍樹淨刹世曰小

角自坐草座載母於鉢泛海入唐

道昭師在唐時五百群虎共來作禮一虎人語

曰新羅山中衆虎之所伏也願師赴山導我獮

暴昭默受請乃至彼講法華群虎側聽其中有

倭語者進曰我是日本國役小角也昭愕然問

曰何在此對曰本國神曲詣是以我遁去化異

類耳此事年代少年疑又役之放逐古史或有誤乎

泰澄嘗入葛嶺鄉役小角以石索兜縛一言生

神纏繞七匝澄欲解縛持念作法其縛三匝已

解忽空中有聲叱之澄乃息縛如元

役行者緣起云行者叔父願行又云行者著角

帽子用九條被蓑策錫杖持獨鈷義學初著頭

巾及不動袈裟持劔義玄著寶冠袈裟縣海義

真著寶冠持數珠袈裟壽元著角帽子袈裟又

持索代之上山伏五代之次第也

扶木集載歌曰葛城屋木間尔比加留稻妻波

山伏乃宇津火加登許曾見禮。

三井寺山伏入峯者語余曰昔入峯者問神名神答曰主從此以主一言號曰一言主神

光仁帝之孫恒蔭王之子葛聲王出家名聖寶讚岐國人也真雅法師之弟子也居東大寺其庭上有岩石世曰聖寶自金峯山負來而其大非人力所耐也寶好修練經歷名山靈地金峯之險經役君之後榛塞無行路寶接葛藟而踏開自是苦行之者相繼不絕又勤悲濟置衛役于金峯山設渡舟于吉野河行人賴之

興福寺坤隅有葛城一言生神祠祠前有木患樹平氏焚南都時烟入木樵樹孔而重衆人灌氷而不滅七十餘日平清盛患熱病時鬱烟火起自樹穴及清盛死其火忽消然枝葉蕃茂人以爲奇事

金峯山

世傳金峯山權現者句大兄廣國押武金日天皇也
是即安閑天皇也

延喜式神名帳大和國吉野郡吉野水分神社吉野山口神社金峯神社

昔役行者在吉野山時神現釋迦像行者曰此形
難度衆生次弥勒形現行者尚曰未也次藏王權
現出甚可怖自也行者曰此我邦之能化也
都藍丘者和州人也精修佛法兼學仙術居吉野
山麓世傳金峯山者黃金之地金剛藏王菩薩護
之不容婦人涉境藍言而曰我雖女身淨戒靈感
豈凡婦之比哉乃登金峯忽雷電晦暝迷不知路
棄所持杖其杖自殖漸成太樹藍又咒龍棄之昇
山終到泉源不能進藍噴踏岩巒皆盡崩裂其拳
龍之池在岩下跡今尚存世言得長生之道不

知所終

日藏洛城人延喜十六年二月入金峯山椿山寺
難髮時年十二絕鹽穀精修六歲聞母氏沈痾始
出山歸洛省觀居東寺學密教而往來金峯天慶
四年秋於金峯山剎二十七日絕食不語修密供八
月一日午時修法之間忽舌燥氣塞欲呼人相救
又思已終不言豈得出聲如是思惟氣息已絕恍
至一窟前窟中有沙門手執金餅傾出瓶水與藏
飲其味甘美沙門曰我是執金剛神也常住此窟
護釋迦遺法我感上人勤修故忽往雪山取八功

德水救師渴耳又有數十太童子以種々餽饍盛
蓮莖捧持立沙門曰此諸童者二十八部衆也與
截食食已一大德和尚來伸左手執藏手上西岩
其岩積雪數千丈漸至山頂一切世界皆在下面
山頂平坦純金爲地光明照映北方有金山山中
有七寶高坐和尚曰我是牟尼應化藏王菩薩也
處曰金峯山淨土

常觀止和州三輪縣修密教有慈行嘗詣吉野神
祠路有稚子兩三輩相對而泣觀見其幼而哀慟

怪問其尤長者女子年十二三計答曰我等新喪
母父遠去未歸母病時疾卑人懼諱而不吊我幼
婦人諸弟柔弱不知所以喪故聚哭耳觀聞之悲
謂我今業詣神祠神甚諱死穢然我寧廢此行不
忍避此喪也吉野之詣其又可改創未晚耳使葬
近野欲遷三輪然身俄強梗不能動乃自思而言
我已約神中途犯穢而歸神其老我乎又思我行
悲救不邪倦也神豈多忤哉試向吉野而進孰無
妨矣復思我已無恙乎猶赴三輪身如前不得已
行吉野既而近神祠尚不敢途憩一樹下而持念

時有巫狂舞而出遙看觀曰彼比丘來比丘觀聞之以為我觸忌而來神又知之耳悚慄悔來巫漸近曰奉待者久何暮乎我不忌諱只貴師慈濟耳巫乃祛袖引到殿前觀感泣而歸

多武峯

日本紀二十七天智天皇八年十月丙午朔乙卯天皇幸藤原内大臣家親問所患而憂悻極甚乃詔曰天道輔仁何乃虛說積善餘慶猶是無徵君有所須便可以聞對曰臣既不敏當復何言但其葬事宜用輕易生則無務於軍國死則何敢重難

云云時賢聞而歎曰此之一言竊比於往哲之善言矣大樹將軍之辭賞詔可同年而語哉庚申天皇遣東宮大皇弟於藤原内大臣家授大織冠與大臣位仍賜姓為藤原氏自此以後通曰藤原大臣辛酉藤原内大臣薨日本世記曰内大臣春秋五十薨于私第遷殯於山哉碑曰春秋五十有六而薨嗚呼哀甲子天皇幸藤原内大臣家命大錦上蘇我赤兄臣奉宣恩詔仍賜金香爐

大織冠鎌足和州高市郡人其先天兒屋根命之裔也世掌天地之祭祀在甲聲聞外孕十一日而

誕性仁孝博學玄鑑風姿特本姓大中臣賜藤
氏柄宰權奉佛法天智八年十月十六日薨先數
日剃除鬚髮臨薨帝賜純金香爐曰已聞出家可
持法真卿執此爐從天仙後身現寧天到慈氏前
證真如法勅公卿百辟皆赴喪自古宰輔之遇未
有如是之盛矣九ノム

釋定慧太織冠之長子也初孝德帝有妃孕已六
月太織冠寵遇厚賜妃為夫人約曰所生兒若男
為卿子女為朕子既而生慧故名以鎌足之子上ノム授
沙門惠隱出家白雉四年隨遣唐使浮海乃到長

安城高宗永徽四年也師惠白寺神泰習學殆十
歲調露元年伴百濟使而至白鳳七年九月也惠
在唐太織冠已薨惠問弟丞相不比等曰先墳何
處對曰攝州阿威山惠曰先公昔潛語曰和列談
岑ハ今日多靈勝之區不下大唐五臺我若墓彼子
孫益昌我在臺山也夢我身居談峯先公告曰吾
已生夫汝於此地營寺塔修佛乘吾亦降此擁護
後昆時已巳歲十月十六夜二更也丞相聞已涕
泣曰先君之薨實某年月日也師夢不徒也惠與
屬徒上阿威山取遺骸改葬談岑就上攝十三僧

塔其材惠在唐時皆悉辨備及歸載材於船舶窄
餘一層其塔摸清涼山寶池院塔也既而營建只
十二層惠怨一層之留唐而造式不全一夕奔雷
飛電風雨震山黎明天晴遺餘塔材宛然飛來又
無羸缺僕射州民莫不感嘆僕射又刻文殊師利
像安塔中慧和銅七年化
醍醐帝延長四年建多武峯社於是勅號曰談
山權現

傳記云高倉院嘉應二年平資盛替同閑白藤原
基房參宮中馳擊其車於大路先是太織冠影破
裂是其徵也

愛當山

世傳愛當山神者日羅之靈也初敏達天皇十二
年帝聞日羅賢而有勇遣紀押勝于百濟國喚羅
百濟王惜羅不肯聽復遣吉備羽嶋召羅羽島往
百濟先私欲見羅獨向其家會婦入便隨後經入
羅迎把手坐密相語於是羽嶋見百濟王宣勅時
嚴猛色懼急召羅百濟王怖而奉遣羅羅來館于
難波帝令大伴糠手子慰勞之時羅被甲乘馬到
而進廳前跪曰聞天皇召心畏來朝乃解其甲獻

天皇因館羅于阿斗來市供給隨欲傍令阿倍臣
物部贊子大伴糠手問政羅對曰天皇所以治天
下須護養黎民何遽興兵今議列臣及百姓皆饒
富如此三年足食足兵以悅使民不避水火同恤
國難然又造舟船每津列置以觀之蕃客令生恐
懼而遣專使召百濟主王若不來召其王子等來
彼必自然欽伏而後問罪復多奏言國事於是恩
舉參官將還百濟潛謂德余曰思舉參官德余皆
百濟人與日羅同
來日計吾過築紫汝殺日羅者吾歸白王賜爵祿
於是德余余奴諾許羅自桑市村遷難波宅德余

等日夜伺而欲殺羅羅身光有如火烟德余等恐
而不殺遂於十二月晦俟失光殺羅羅蘇生曰此
是我駟使奴等所為非新羅也言已而死新羅詔
云余
收葬小郡西畔丘縛德余問之德余等伏罪下獄
於是遣使于葦北召羅屬賜德余等葦北君等受
而皆殺投姬嶋而後移葬羅於葦北羅者葦北國
造阿利劫登
其恩舉船逢風沒海參官船漂津嶋僅得歸
敏達十二年百濟日羅來身放光神異不測聖德
太子微服從諸童子入館見之羅指太子曰是神
人也太子走去易衣而出羅再拜跪地曰敬禮救

世觀世音傳灯東方粟散國太子從容而謝之羅放光太子亦眉間出光謂左右曰我在陳彼為弟子常禮日天故有光輝

余侍駿府時幕下一日與顯密諸師對語次及愛宕山權現事幕下告曰此神者聖德太子之師日羅也後又有勝軍地藏法諸師歎服余在側聳耳云

王城西山名愛宕山秀出於嵯峨万仞之上實靈區也昔文武太寶中役小角欲上此山有雲遍上人者住庵於差我之奧小角同行到清瀧瀧上雲

起山下雷鳴雨降如車軸不可進也一人秘咒密

言祈禳也日俄而天晴少焉地藏龍樹富樓那鬼

沙門放光其上或加愛深曰五佛有大杉奈天蟠

地天竺大夫日良唐土大夫善界日本太郎房

各將其眷屬現于大杉之上有九億四

万餘天狗神頭鬼面披毛戴角告一人曰我等前

二千年靈山會上受佛付屬成大魔王以領此山

利益群生言訖不見一人因号杉樹為清瀧四所

明神而瀧上安千手太士置五岳以鎮其地日朝

日峯日大鷲峯日高雄山日龍上山日賀魔藏山

也。小角具狀，以聞朝廷，有旨立神廟。於朝日峯香燈不絕，于今矣。雲遍更名，秦潁為開山第一祖光仁帝即位，勅慶俊僧都中興此山，和氣清丸所建也。白雲寺於朝日月輪寺，於鷲峯神願寺於高雄日輪寺於龍上，傳法寺於賀魔藏五寺之外營五千坊。當桓武之時，改岩字成護字，号愛宕護山木權現。以此山為鎮護國家道場。

真濟，洛陽人，正六位上，紀朝臣，御國子也。所謂柿本紀僧正是也。從弘法大師受密教，承和初奉詔入唐，其歸朝後入高尾峯，不出十二年嘗

於高尾神護寺建寶塔，安五大虚空藏像。文德帝天安二年八月，不豫，真濟看侍，外返後失志，隱居。先是與專亮抗驗，而負至此，愈快々。貞觀二年二月死，年六十一。世言濟見深殿，皇后迷而不平，遂死，為魅，又稱真濟之靈為大夫狗，是乃愛宕山大郎坊也。

寬平五年，藤原后深殿受狂疾，經數月，諸德拱手，后託言曰：自非諸佛出世，誰降我乎？餘者猶不能知我名也。勅召叡山，相應，應入掖庭。二十日不能辭，應還本山。懇訴明王時，明王像背而向西。

應遂而坐西持念像又南而北應皆隨坐流淚
誓首而言以不上一心久固歸敬有何觸忤相背
如此願垂慈愍明示誨誘令眼而記本誓于時
非夢非覺恍惚之間明王告曰一持以後生々
加護本誓不忘故有斯背我今顯說本緣昔真
濟持我明咒亦如汝今時以微動念誤隨鬼趣
本修功力惱逼皇后我以本誓護彼靈故且背
汝耳汝之堅誠我不能已示汝秘方汝至宮掖
密語彼靈你豈非真濟之邪彼聞之必低頭恥
澁分時以大威德明加之定得降伏汝但持我

明不能降何以故彼此同明故我亦太慈善巧
回彼邪心令入正道應感喜徹髓頭面禮足矣
日返宮如教諭之旨降遣彼靈后疾即愈玄昭
法師於亭子院修法時真濟之靈為鵠來現昭
投爐壇燒之因而結怨又化異小僧自虛空降
來昭見之心身惱逼淨嚴貴所加持而降伏彼
靈昭著法服而拜截

空也上人祈清水寺觀音以念佛行何地為良夢
告曰愛宕山月輪寺是補陀洛山而魔界絕迹聖
衆來向之所也於是空也在愛宕山多年練行其

後弘念佛于洛陽河海抄

慶俊姓藤井氏。內列人。事道慈學。空宗。居太安法華等寺。普開愛宕山。爲第一。世天應元年。爲僧都。性懷悲好。施貧病。

一說曰慶俊建立西寺者也

釋仁鏡。南京人。父母初伽藍神。曰若得男子捨爲佛子。即有胎。九歲投東大寺。習教法。長精戒律。手盂不重沾。一時夏深山練行。香火滅。忽有持火人。雖見手臂不見全軀。或深夜灌嚙瓶無水。欲掬谿谷瓶水自盃。如是之事。九旬數十。晚年尋采勝地。

聞愛太子山者。地藏龍樹攝化之地。不下唐之五臺。峨嵋。往居大鷲峯。晝夜讀妙經。六時修懺。紙衣葛裘。怡度寒燠。一粥動徑三四日。或煮茶之外。又無饌。苦修積功。勝相現前。師子曰。白象來馴護法。神顯形侍奉。年一百二十七歲。

圓久。台山西塔院聖久之門人也。誦法華音聲和雅。聞者感激。晚入愛太子山。住南星峯。修無緣三昧。行六時懺。終焉日誦經而逝。斂其屍幽谷。每至黃昏。有誦經音。平時之聲不少。改四十九日。後不聞。

比良明神 又名白鬚明神

石山寺者聖武帝創東大寺鑄一十有六丈遮那銅像多聚金為薄此時本朝未有黃金帝語良辨法師曰傳聞和州金峯山其地皆黃金也師祈金剛藏王得金資銅像薄木亦且乎辨入金峯山持念夢藏王告曰此山黃金不敢自恣也今亦汝別方近州湖西勢多懸有一山如意輪觀自在靈應之地也汝至彼持念必得黃金辨便赴勢多時老翁坐大石上鉤魚辨問曰汝何人對曰我是山王比良明神也此地觀音之靈區言已不見辨就其

石縛廬女如意輪像持誦不幾奧州始貢黃金少後刻丈六大悲像藏先像於中亦造金剛藏王及執金剛神安左右其像各八尺當夷基趾地中得五尺寶鐸益為靈地

摩山山主院千手觀音像者傳教大師之所安也昔近州有淨信女欲造觀音像求良材于時比良山有一木時々放光女聞之伐其木為材而未看巧工偶一老翁來語女曰我蘊薄伎能成汝願女悅奉材像成翁不見其後五尺寶鐸感應無比教得像安此院智證大師後居於此所謂山上土院大

師者也

法執、層山、義真之徒也。承和八年過近州比良山，下和途村宿。氏家家婦俄病，狂言曰：師讀觀音普門品，我欲聽之。勢素持普門品，然思狂病之言不足聞，便曰：我無經，本故不能也。婦人曰：師臂囊見經，在焉。勢不得已，出經讀之。婦人合掌曰：我比良明神也。勢曰：我聞神皆有通久長壽。昔釋迦文出世，西天未審見知。婦人曰：我不住西印度，然千數百年前，諸夫多西飛去，豈迦文出世時乎？

比叡山

或書曰枝山

伊弉諾伊弉册立于天浮橋，上以天瓊矛探滄海，其矛鋒滴潮，疑為一島，名曰破馭廬島。

世之解神書者多，設說曰：此島者近江比叡山也。一說大和金剛山，又名葛木山。一說山城如意山。一說淡路州西南隅小島傳教大師云：破馭廬島者比叡山是也。

傳教大師名最澄，姓三津氏，近江國滋賀郡人也。其遠祖後漢獻帝之裔也。國亡為庶民，及應神天皇時來于本朝矣。帝憐其為王孫，賜滋賀

地為菜色澄父名百枝學內外典憂其無子祈
睿岳左麓神祠百枝廬其祠側供香華期七日
第四境得神夢而妻有身神護景雲元年生澄
其廬者今神宮院也百枝語曰我昔祈神祠得
汝神貺未報汝其代之澄乃詣神宮院勤修經
數日香爐灰中得舍利大如麻子頃刻灰裡出
金鏤器大菊花許即盛舍利宛似舊物

三上明神

舊記曰三上山明神者元正天皇養老年中自天
降於此處名曰日本第一忌火

富士山

本朝文粹第十二載都良香富士山記云富士山
者在駿河國峯如削成直聳屬天其高不可測歷
覽火籍所記未有高於此山者也其聳峯巒起自
在天際臨瞰海中觀其靈基所盤連直數千里間
行旅之人經歷數日乃過其下去之顧望猶在山
下蓋神仙之所遊華也承和年中從山峰落來珠
玉玉有小孔蓋是仙簾之貫珠也又貞觀十七年
十一月五日庚辰仍舊致祭日加午天甚美晴仰
觀山峯有白衣美女二人雙舞山嶺上去巔一尺

餘土人共見古老傳云山名富士取郡名也山有神名淺間大神此山高極雲表不知幾丈頂上有平地廣一許里其頂中央窪下射如炊甑甑底有神池池中有大石射驚奇死如蹲虎亦其甑中常有氣蒸山其色純青窺其甑底如湯沸騰其在遠望者常見烟火亦其頂上連池生竹青緝采燠宿雪春夏不消山腰以下生小松腹以上無復生木白沙成山其攀登者止腹下不得達上以白沙流下也相傳昔有役居士得登其頂後攀登者皆點額於腹下有太泉出白腹下遂成大河其流寒暑

水旱無有盈縮山東脚下有小山土俗謂之新山本平地也延曆二十一年二月雲霧晦冥十日而後成山蓋神造也

緣起云孝安天皇九十二年六月富士山涌出初雲霧飛來如穀聚無餘阻後頂上五磐石出其落_下跡作溪壑取郡名而曰富士山形似合蓮葉_頂八葉層層到第八層中央有大窪窪底湛池水色如藍染物飲之味甘酸治諸疾池傍小穴形似初月穴中或燃出黑烟雨土沙或白雲金光映徹現鬼神形赤黑色承和三年季春垂珠簾雨王四

方貞觀五年秋白衣神女出現雙立舞遊時大火
揚有圓光即祭之号火御子古老傳云昔大網里
有老翁孃共居翁愛鷹鳥孃飼犬後住乘馬里作箕
為業竹節中得一女其長一寸餘奇之累綿養之
經十六月漸長成能行步容貞端嚴言語和雅于
時天子詔諸國撰美女令獻之采女使者至駿河
國富士郡乘馬里宿老翁宅終夜有光使者怪問
曰河故道夜燃火哉翁曰我女之光彩也使若親
之其女甚美也於是謂云天子求女汝誠當矣女
不從使者奏事于時女語父母曰親子之愛養育

之恩誠重誠深雖然我久不可往今我登山去母
云思慕如何女云常來相見乃上富士山入巖岨
已而天子來於此幸乘馬里翁曰其事天子大歎
遂與翁登山休於第五層脫玉冠留此處漸進涉
絕頂臨巖岨女出迎微笑曰願天子住此因共入
岨中玉冠所在積石以為陵云延曆二十四年託
曰我號淺間大神平城天皇大銅元年立社祭之
改乘馬里号一齊京所謂翁者愛鷹鳥明神也孃者
飼犬明神也愛鷹鳥山今云蘆高山二神共住新山宮
余在駿府侍幕下次見富士淺間綠起聊標

出其要以記于此。如右其餘不足觀也。或曰此山有天生飛來。或曰淺間大明神本地太日如來。愛鷹大明神本地毘沙門。又曰不動明王。或曰弘法造諸尊石像。或曰智證作理智一門記。皆是浮屠氏之誇謾。而世人多信之。余所不取也。且又以竹中之女為桓武天皇之時事。以使者為坂上田村丸。是等大謬說也。余觀萬葉集。既載竹姬之事。又竹取物語。實又夜比賣。不云其時世。國中桓武葬山城國柏原陵。然則何得入富士嶽中耶。

緣起曰。府之淺間宮者。山宮為本宮。自大宮淺間。勸請之。故号新宮。延喜年中也。

建仁三年六月三日。源賴家到駿河國富士。將倉其麓有大谷号之人穴。為究見其所。差仁田四郎忠常。主從六人。忠常賜劔入穴。明日巳刻。忠常出自穴。往還經一日一夜。此洞狹而不能迴踵。直進行。又暗而難前。主從取松明。路次始中終。水流漫足。蝙蝠遮飛于顏。不知幾千萬。其前途大河。而逆浪漲流。生擬欲渡。只迷惑。

耳爰當火光河向見恠。即從四人忽死而忠常
依彼靈之訓。投入劍於其河。全命歸來。古老
云。是淺間大菩薩之在所。往昔以降。敢不得見
其所。東鑑
義楚六帖曰。日本國名倭國。在東海中。秦時徐
福將五百童男五百童女。止此國東北千餘里
有山名富士。亦名蓬萊。其山峻。二面海。一朶上
聳。頂有火烟。徐福止此。謂蓬萊。至今子孫皆曰
秦氏。

箱根

安貞二年十月。宮根山神社壇佛閣燒亡。當社無
跡。滿月上人草創以後。五百餘歲。未有迴祿之例。
此條武藏守泰時。頻歎息。潛有解謝之義。被捧願
書。仍造營。十二月二十八日遷宮。東鑑

社家者語余曰。伊豆箱根者。其本社彥火火山出
見尊也。又有駒形權現。白和龍主。右鵲王。左鵲
王。及客人宮野。又有役行者。吉備。大臣。弘法。
慈覺等遺跡。

足柄

足柄明神昔赴唐其妻神獨留守三歲明神歸朝妻神色白肥美明神曰思慕之情待歸之心必可瘦寒今何肥而麗哉不思我也遂去妻神

走湯山

奥州高水寺鎮守者移走湯權現其側有小祠曰太道祖是秀衡之祖清衡所勸請也祠後有大觀木文治五年源賴朝伐泰衡歸時莅槻樹下射二鎗箭曰獻走湯權現云

日光山

在下野國

和歌詠黑髮山或書黑上山

日本紀第五宗神天皇之子豐城入彦夢自登御諸山向東而八回弄槍八回擊力於是奏夢事天皇以豐城命令治東國是上毛野君下毛野君之始祖也

延喜式神名帳下野國河内郡二荒山神社名神天

余察二荒日光音相近蓋其是耶又二荒和訓與補陀洛音相似由是渡唐誘國俗而遂号補

陀洛山觀

勝道姓若田氏野之下列芳賀郡人阜山塵累

鑽仰勝業。列有補陀洛山。峯巒峻峙。振古未有
陟者。道以神護景雲元年七月。企跋涉。路險雪
深。雲霧晦暝。不能登止。山腹凡經三十七日。而還。
天應元年孟夏。又與先志亦屈而退。延曆之始。
季春之月。發大誓致勤修。且曰。者回不到山頂。
亦不至菩提。漸達于頂。衆峯環峙。四湖碧深。奇
花異木。殆非人境。道堅誓所遂。悅自喜心。乃結
娑舍於西南隅。修歲又三十七日。道雖究山區。未
盡湖曲。二年之夏。造小舩。浮東湖西南。北湖備
極游蕩。就勝處。建伽藍。曰神宮寺。居四載。道行

與靈境並傳。祖武帝聞之。勅任上野講師。又與
都賀郡。創華嚴精舍。大同二年。州界大旱。刺史
令道祈雨。道上補陀山。行法雪甘雨。速降百穀
皆登。釋書

圓仁。姓壬生氏。野之下州。都賀郡人也。昔崇神
天皇第一皇子豐城入彥。節察東壤。其次子留
為鄉人。仁其胤也。延曆十三年生焉。是日紫雲
覆產屋。同郡太慈寺僧廣智。德行兼優。俗号廣
智菩薩者也。適見祥雲出。尋起所乃檀越壬氏
之宅也。其後仁遂就廣智。智將仁登睿嶽。與傳

教教悅納焉

世云圓仁登日光山立寺院

大山

伯耆國太山大智明神者祿德天皇時有神託因
勅建社山下之砂夕昇山朝下山其前岡有松枝
必指神前云

撰集抄云伯耆太山明神本地地藏菩薩也昔
有俊方者狩此地多射鹿俊方常念地藏宅內
安像一日狩而歸見像其所射鹿之矢皆中像
俊方大敬焉恐自截髮捨宅為寺禁殺生

明蓮居法隆寺讀法華誦徹七卷第八之卷不
能誦積歲日懇溫復終不記詣稻荷神祠祈求
夙報過百日無感又往長谷寺金峯山各社一
夏讀經祈報而不得感蓮不屈登熊野山又祈
百日神託夢曰我於此事力所不及乞求住吉
明神蓮返攝州寓住吉丁百日神又夢曰我又
不知祈伯耆太山神蓮便詣太山安居精求夏
滿夢神告曰作州人登此山以糶負牛其以詣
神祠牛繫僧房房中比丘夜誦法華牛聞之生
慈善心至第七卷天色漸曙牛主早發是以其

牛不聞第八卷後，牛者汝前身也。聞法力，故今得比丘形，而持法華，不讀第八者，不聞之故。自今勤策來生，觀史夢寤，感幸乃一心合掌，自神言癡牛聞法，尚得人身，何況人身。如說修行，今聞夙因，神呪難報，生々世々，誓持法華，迴施群有，證大菩提，誓已辭神而去。

加具春神

弘仁年中，最澄於賀春神宮寺講妙經，是時豐前別田河郡吏等，錄瑞雲狀寄之。澄固封告，義真曰：非吾滅後，不得開緘。寂後門弟子等披閱其文曰：

今月十八日未時，紫雲光耀起，賀春嶺覆法筵之庭。村民悉見，敬異。又是澄泛海時，宿田河郡賀春山下，夢梵僧來前，袒衣露身，左肩似人，右肩如石。言之曰：我是賀春明神也。和尚慈悲救吾業道之身，我當加助，求法晝夜守護。欲知我實，海中急難現光爲驗。澄明日，懸山右邊崩巖草木不生，死如夢中半身，心異焉。又海中風浪，果有光耀，是以思神之不浪也。而建法華院，自創講席，乃神宮院也。開講之後，其右巖之地漸生草木，年々滋茂，鄉邑嘆異。

赤山明神

或又作石山赤右音相近此神在天曰輔皇在地曰太山府君

赤山者支那山名山有神世稱太山府君神也

慈覺太師在唐習清涼山引聲念佛時神現形

與覺約來干日本覺歸朝海波惡將漂羅刹國

赤山明神著蓑笠持弓矢而護覺或現不動形

或為毘舍門姿故其舟無難相傳云此本地地

藏菩薩也覺者圓仁也其後建祠于西坂本此

神與山王相約山王守東麓我守西麓

承和五年圓仁入唐寓登列之赤山法華院匿

屏過冬明年巡觀刈縣禪刹隣差乃詣赤山神

祠立誓曰正法難逢真師益難山神願加冥助

我歸本土當建禪宇弘傳心印其夜夢一人提

囊來似販者然不言而去又返往來三迴仁問

曰汝何人對曰商隣舍僧聞之曰所持何物

商曰不是闍梨可買物仁便問之商曰是量三

千世界之秤子也和尚買取量此地看仁買秤

懸大地和身亦在秤上時仁夢中通曉豁如也

覺而端坐思忖我必得妙法權衡此道按濟群

情亦是赤山神接也云云貞觀六年仁逝遺言

曰我在唐時立一誓創禪院造文殊樓文殊樓

已成。禪院未營是我患也。且禪院者為赤山明神所誓也。我求法無礙歸國不難。皆神之賜也。我誓未果甚慙於神。諸法友及徒弟等願扶我造之。諸友徒依顧命建禪院并神祠於叡山之西麓。

白河院時勅三井寺實相房阿闍梨賴豪祈皇子得平產豪奏立三井寺戒壇。台徒怒而拒之。帝愁焉。一夕夢賢聖障子有赤衣老翁立持弓箭。帝問誰乎。答曰。睿山西麓赤山明神也。欲射奏園城寺戒壇事者。帝覺而不立三井戒壇。

新羅明神

日本紀曰。素戔嗚尊帥其子五十猛神。降於新羅國。居魯尸。茂梨之處。乃興言曰。此地吾不欲居。遂以埴土作舟。乘之東渡。到出雲國。鯨川上所在鳥上之峯。

又曰。素戔嗚尊曰。韓鄉之鳥是有金銀。若使吾兒所御之國。未有浮寶者。未是往也。乃拔髮鬚。散於山。即成杉。又拔散胸毛。是成檜。尻毛是成被。眉毛是成櫛。障。

新羅明神者。天安二年。圓珍師泛船。自唐歸。詩

中忽有老翁現，船舷曰：我是新羅國之神也。昔護持師教法，至慈氏下生記，已不見珍入京，將傳來教籍。藏尚書省時，海上翁來曰：此所不堪置經書。是日域中有一勝地，我已先相攸。師聞，官建院宇，皮此典籍，我鎮加護。又佛法是王法之治具也。佛法若衰，王法亦衰。語已形隱。珍歸，睿山至山主院。時山主明神現形，曰：傳來經書，宜藏此所。新羅明神又出，曰：此地來世必有喧爭，不可置也。南行數里，是為勝處。珍乃與新羅山主二神及二比丘到滋賀郡園城寺。寺僧教

待說寺事，既而山主迴睿，阜新羅明神語。珍曰：我卜居寺之北野，時百千眷屬，倏來圍繞。唯珍獨見，他人不知。於是有乘輿，人儀衛甚多，以美饌饗新羅教待來賀，而後乘輿，人形隱不見。珍問明神執轡者為誰，新羅曰：二尾明神也。祠今在寺山角自此新羅明神威靈益顯，園城寺者大友與多之所建也。初天智帝勅大師大友氏移崇福寺，建此地。安武大六，彌勒像，天皇有夢，又勅大師遷本地大師薨，其子與多承願命奏，天武帝創之，亦是大師之家基也。天安二年，圓珍法師以

唐國傳來經籍藏尚書省新羅明神現形曰是日域中我已占勝地闡官建院置此書既而珍與新羅山主二神及二比丘到寺問經始寺僧時老比丘來曰我名教待年一百六十一傳聞寺成以來過我壽者殆二十歲現今有檀家之孫乞問彼待即呼彼人來大友氏具說寺事又曰待公日者說師之誕育遊學今朝言當來我需師者久矣便以寺之四至契券併授焉珍問大友氏曰此寺曰御井何答曰寺之西岩有泉井天智天武持統三皇降誕時汲此井水為浴

湯俗因而号御井寺珍聞此事見地勢宛似唐青龍寺又思新羅明神言規為靈區乃改御井為三井曰取三皇浴井之事也御三和訓道又曰我酌此水為三部灌頂之關伽至慈氏三會之期故改三字耳珍與一僧遠詣關奏三井事勅造一字名唐坊移尚書省經籍置焉今日曰又大友唐院大師所捨四至界畔依勅全歸且免官租未充寺供焉

釋教待未知何許人久居園城寺天安二年圓珍法師與新羅山主二神相勝區到園城寺待

見珍如故舊時有檀越大友氏謂珍曰待師日
者嘗曰當寺主者已坐焉有時曰入唐焉又曰
來何暮今朝曰寺主來也然則我奉待者久焉
乃與待以寺券付珍及三尾神饗新羅神待
來賀之然後形隱不見珍問新羅神老待没而
不見何神曰弥勒菩薩之應化也今已得師又
何存乎珍還寺問大友氏待公本貫何所生年
行業何如大友氏曰不知何人居此寺已百餘
歲平居不赴堂齋有時往湖濱取魚鱉串當饌
率為常今聞乾已隱病哉乃共太衆詣其房見

殘乾魚皆悉荷藕蓮之類無他種眾皆嘆異年
一百六十一歲待嘗與清水寺行睿居士善其
來清水著木屐疑詒終日云

明尊兵庫頭小野峯時之子道風之孫皇之曾
孫也寬德二年為三井寺長吏未承三年任天
台座主七年九月始行新羅祭禮神託和歌驩
納

三井慶蓮弟子慶耀初為兒時神託曰我是新
羅明神之屬宿主菩薩也當入園城之門者明
神令我擁護

若狹比吉神

若州神願寺者養老之間州界疫起連歲早澇時
 比吉神祝屬有私赤者歸佛乘棲山林比吉大神
 化入來告曰此地是我之有也我受生鬼神若報
 甚多欲歸三寶出若赴未由也故屢行災癘耳汝
 能為我於此地營伽藍安佛像珍蓄自減年豐民
 安赤乃建精舍曰神願寺後無災害

若狹多大神

實忠良辨之徒也嘗神遊都率內宮見四十九重
 摩尼殿有一所榜曰常念觀音院見其修法儀心

三月堂

甚信慕便乞聖衆而得軌覺後欲修法而無尊像
 常持念所求一日游歷攝州難波津忽見闕伽器
 浮浪來近視則十面大悲像駕于器也忠喜而
 取之銅像也其長七寸暖如人膚朝廷聞之於東
 大寺建胃索院安之忠每歲二月朔對像修堦樂
 軌者二十七日始天平勝寶四年至大同四年五十
 八歲未嘗有缺俗号修二月法至今不絕諸寺多
 則之又自天平寶字五年至弘仁六年五十五歲
 二月十五修涅槃會又不闕也初忠修二月懺初
 夜時請眾神讀名簿供之若州有遠敷明神歲靈

甚豫此會聞思懺生渴仰託曰願獻闍伽水忽黑
白二鷄穿石地而出飛上傍樹其一迹湧其泉忠
梵石為闍伽井旱歲井涸二月修中久闍伽其衆
集井邊遙向若刈持念須臾其水盈滿二月十二
日夜也其若之神祠前有河此時絕流無音列民
大恠蓋神送河流通闍伽井也余後列人聞此事
名其河曰無音河有病者飲闍伽井多愈焉

當麻

此神社在大和國四月上申日祭之

和州禪林寺者俗号當麻寺用明帝第四王子

麻魯古因兄豐聰王子訓所創也推古帝舉為
官寺初号萬法藏院在內州山田鄉白鳳二年
麻魯王子得瑞夢移于當麻當麻者役小角之
家也天武帝聞夢事勅刑部親王諭于小角麻
魯王子伴刑部親王至役所役感靈夢欽皇詔
又喜二王子之來使捨其地為伽藍十年春二
月寺成改名禪林寺落慶道師慧灌僧正也小
角曰我先高賀茂間賀介及渡都歧有山川數
百里今皆迴施三寶真如太寶三年六月記其
後天平寶字中僕射藤拱佩拱佩者右大臣
豐成之事也有

女。性無世。深不納。聘禮專志。安養七年六月。入
寺。薙髮誓曰。我不見彌陀。真身不出寺門。其志
確乎不拔。數日。一比丘。居至。不知從來。儀相麗
偉。語曰。我令汝見淨土。觀彌陀。須集百駝。蓮莖
於是乎。新居。奏于朝。詔使送蓮莖。一日而滿。數
化。居自折莖。取絲。穿新井。濯之。五色燦然。又數
日。一女來。容自端麗。問化居曰。絲成否。對曰。成
化。女得絲。於殿之西北角。織之。機杼軋々。始于
初更。終于四更。其幅一丈五尺。以藁三把。浸油
二升。爲燭。化女捧授化居。化居與新居。淨土衆

相嚴麗備足。新居大悅。又以無節竹爲軸。蓋長
竹節之間耳。又可怪焉。化女忽然不見。化居作
偈禮圖曰。往昔迦葉說法。所佛事新起。又有故
感。君懇志。我來此。一至道場。未離苦。新居問曰。
善哉。善知識。從何來。耶。又向婦人。爲誰對曰。我
豈異人乎。西方教主也。向女。觀音大士也。言已。
凌空而西去。新居自是精修益勤。寶龜六年三
月十四日。安坐念佛。逝。深井側有精舍。昔天智
帝時。其地夜々有光。帝使使見之。二大石形似
佛像。天使復奏。勅刻二石。作彌勒二尊像。其上

架殿底之俗以近深寺役小角殿前栽
一櫻樹曰佛法沮櫻樹枯自尔以來舊枝漸朽
新梢美秀枝葉鬱茂花果鮮麗見今存焉

山崎

延喜式第三名神祭中曰山城國酒解神社一座
注云亦號山崎神

沙門慈信有神異常飛鉢乞食世号空鉢上人
初攝州中山有十面觀音像昔上宮太子令
百濟佛士刻之其像時々放光古老傳像放光
照岩其嶮成金色延喜年中慈信對像啓曰吾

此日域何地為靈區乎其夜夢像告曰我平等
慈悲無刹不現而山城國山崎其民緣熟信乃
移像于山崎又飛鉢求營造人侮像者多受病
悔過歸像疾立瘳一日信採花而出還見無像
旁尋去房半里像立草中信到像語曰吾非厭
汝去此所後世多吉祥故來子只歸院安居信
以書於側石聞見傾伏營構不日而成
教待和尚自三井寺往城南山崎別業常歷洛
東山麓其木屐之響鳴有苦集滅道之音故至
今有其所名云

國王

延喜式神名帳尾張國中島郡尾張大國靈神社
大御靈神社

尾州中嶋郡府中國王大明神者國之搃社而
大日覺雄之垂迹也每年五月六日明神下降
之辰也年代遠而不知其曆數也昔係回祿而
記錄皆亡今存者只最勝主經一卷而已其祭
禮桃弓棘矢武者試馬上餅髻燈儺母逐鬼深
密之禊事在巫祝口傳也搃社大明神有四
一王子之列廟以象四十二章經也第一号角

王明神宿彼艮卦而攘惡鬼邪氣是又醫王善
逝之垂迹第二号御玉明神栖此坤卦而護往
來行旅是又地藏願主之垂迹餘則不可一一記
焉有國王御靈角玉三所之名神巫秘而不顯
儒家以表日皇佛家以表法報應云云

卒川

日本紀開化天皇元年遷都于春日之地是謂卒
川宮六十年天皇崩葬于春日卒川坂本陵

藤氏南家口傳卒川社首石大臣是公建立立春日

祭之翌日行此祭與三袋祭同

一曰卒川社南有二枝御子社

三枝 サキキサ サキキサ ミクサ

神祇令三枝祭者謂卒川也折三枝花飾酒樽故名與卒川雖同仲春祭卒川孟夏祭三枝是公建卒川雖然神祇令既載之則此社在養老以前歟今者淡海公所撰而養老年中奏覽之是公者淡海公之曾孫也然則是公之再興歟延喜式一四月三枝祭三座 卒川社

園韓社

此二神在宮內省延曆遷都時造宮使欲移之他所神訖曰唯在此所可守天子延喜式園神一座韓神二座仲冬祭之其儀式詳見西宮抄北山抄江次第等

延喜式第三名神祭部曰園神社一座韓神社二座已上坐宮內省同第一園并韓神三座祭 園一
座韓 神二春二月冬十月丑日祭之 春用春日祭後丑
冬新嘗祭前丑 參議以上一人就祭所行事其內侍到來乃始祭之俱新給料所司各供備之

杜本

當宗

此二社共在河内國。仁和五年四月初祭之。宇多帝外祖父。姓當宗氏。

神皇正統記。宇多天皇者。光孝第三子。母太后班子女主。仲野親主桓武之武女也。

山科

此社者。宮道氏之祖神也。寬平十年始祭之。四月上巳日也。

俗傳。宮道氏之先。出自守屋大臣。其後世居攝

別。蜷河者。又曰。蜷河。姓。鹿苑院。母。月海夫人。是蜷河之族也。

紫野今宮

是社疫癘神也。丁糸院。正曆五年。長保二年。世間不靜立。神社於船岡山北。行御靈會。號今宮。被奉神馬。藤原長能。詠和歌。曰。志廬多倍能登。彗美提。久羅乎。登利。茂知底。伊波比。曾曾武留。牟羅佐。岐。廼廼余。

中山

此號石神元。任冷泉院。後冷泉院。永承五年六月。

十六日建神社同六年十一月授從二位太喜元年四月始奉官幣

疫神

延喜式第三宮城四隅疫神祭京城四隅准此

畿内堺十處疫神祭

山城與近江堺一

山城與丹波堺二

山城與攝津堺三

山城與河内堺四

山城與大和堺五

山城與伊賀堺六

大和與伊賀堺七

大和與紀伊堺八

和泉與紀伊堺九

攝津與播磨堺

祈雨神

延喜式第二祈雨神祭八十五座並大

賀茂別雷社一座

賀茂御祖社一座

松尾社一座

稻荷社三座

水主社十座

樺井社一座

木島社一座

羽束石社一座

乙訓社一座

和伎社一座

貴布祢社一座已上山城國

大和社三座

大和社一座

石上社一座

大社二座或作多社

一言主社一座

片岡社一座

龍田社二座

葛木水分社一座

當麻山口社一座

膽駒山口社一座

石村山口社一座

養布山口社一座

都祈水分社一座

忍坂山口社一座

飛鳥社四座

廣海社一座

巨勢山口社一座

賀茂山口社一座

大坂山口社一座

膽駒社一座

耳成山口社一座

都祈山口社一座

長谷山口社一座

宇陀水分社一座

丹生川上社一座

巴上大和國

吉野水分社一座

畝火山口社一座

枚岡社四座

大鳥社一座 和泉國

大依羅社四座

廣田社一座

長田社一座

垂水社一座

座別縮五丈五尺。薄絶各一尺。絲一絢綿一屯。木

綿二兩麻五兩。裹薦半段。每社調布二端。 戰料 夫

飛鳥山口社一座

吉野山口社一座

恩智社二座 巴上河内國

住吉社四座

難波大社二座

生田社一座

新屋社二座

名次社一座 巴上攝津國

一人丹生川上社貴布衾社石加黑毛馬一匹白
餘社加庸布一段其霖雨不止祭料亦同但馬用
白毛

凡奉幣丹生川上神者大和社神生隨使向社奉之

藤社

藤社者崇道盡敬天皇之廟也

續日本紀第八元正天皇養老四年四月先是
一品舍人親王奉勅修日本紀至是功成奏上紀二
十卷系圖一卷

同十二聖武天皇天保七年十一月乙丑知太政

官事一品舍人親王薨遣從二位鈴鹿王等監護
葬事其儀准太政大臣令王親男女悉會葬處遣
中納言正二位多治比真人縣主等就第宣詔贈
太政大臣親王天淳中原瀛真人天皇之第三皇
子也

同二十二廢帝天保寶字三年六月追尊舍人親
王崇道盡敬皇帝當麻夫人衾太夫人案廢帝
者親王之子當麻者親王之妃也

本朝神社考中之四終

